

માર્નિંગ ડોગરી ન્યૂઝ બુલેટિન,

समा. 09.20 Hrs

[illegible]

Headlines

- उपराज्यपाल मनोज सिन्हा होरें अमरनाथें दी यात्रा दे कामयाब संचालन लेई श्राईन बोर्ड प्रशासन, फौज, थेहारबंदबलें, जम्मू-कश्मीर पुलस ते बी.आर.ओ सनं सभ्भनं हितधारकें गी सम्मानित कीता।
- प्रधानमंत्री नरेन्द्र मोदी होरें इस बरे दी “श्री अमरनाथ जी” दी यात्रा दौरान सफाई-सुथराई ते पर्यावरण संरक्षण लेई अपनाए गेदे सरिस्ते दी सराहना कीती। “मन की बात” कार्यक्रम च उ’नें दस्सेआ जे 414 मीट्रिक टन कूड़े कचरे गी सांइसी ढंगै नै नबेइआ गेआ।
- उपमुख्यमंत्री सुरिंदर चौधरी होरें साम्बा ते जम्मू जिले च फ्लाईओवरें दे हिस्सें डिग्गने आहली थाहरें दा दौरा लाया ते सुरक्षा ते जवाबदेही जकीनी बनाने दे निर्देश दिते।
- जम्मू च कल्लै थमां शुरु होआ रदे, MSME’s लेई दंरू रोजा CPSE लैवल वेंडर डवलेपमेंट प्रोग्राम 2026 गितै तयारियां मुकम्मल।
- तवि वंडरलैंड पार्क च आयोजित संगीत, कला ते संस्कृति दे कार्यक्रम Euphoria च बड़ी बद्ध गिनतरी च लोक शामिल होए।

<> <> <> <> <> <>

LG- Amarnath Yatra

उपराज्यपाल मनोज सिन्हा होरें श्री अमरनाथ जी दी यात्रा 2026 दे कामयाब संचालन लेई कल कैई अधिकारिण दे हितधारकें गी सम्मानित कीता। एल.जी होरें यात्रा दी कामयाबी लेई श्री अमरनाथ जी यात्रा श्राईन बोर्ड- सिविल प्रशासन- फौज- केन्द्री थेहारबंद बलें- जम्मू कश्मीर पुलस- सीमा सड़क संगठन बी.आर.ओ- मेडिकल टीम- यात्रा दौरान बक्ख-बक्ख सेवां प्रदान करने आहलें ते स्वयंसेवियें दे सांझे जतनें दी सराहना कीती।

3 जुलाई गी शुरु होई दी 57एं दिनें दी एह यात्रा 28 अगस्त रक्खड़ पुन्नेया आहले रोज सम्पन्न होई ते इस दौरान 10 दिन धोड़ी मौसम बड़ा मता खराब रौहने दे बावजूद 4 लक्ख 80 ज्हार कोला मते शरदालुएं अमरनाथें दी पवित्र गुफा च मत्था टेकेआ। एल.जी होरें इस मौके साफ-सफाई दी बवस्था- 24 घंटे दिन-रात डाक्टरी सेवाएं- यात्रिं ते यात्रा दी रिअल टाइम निगरानी दे इंतजामें गी उजागर करदे ही इसी टीम जम्मू-कश्मीर दी इक बड़्डी उपलब्धि करा दिता ते आखेआ जे एह बवस्था यात्रा लेई सांझी सेवाएं ते परोहनाचारी दी मसाल ऐ.....

<><><><><><>

PM MKB Sanitation

प्रधानमंत्री नरेन्द्र मोदी होरें कल अपने रेडियो कार्यक्रम “मन की बात” च श्री अमरनाथ जी दी यात्रा 2026 दौरान स्वच्छता ते कूड़े कचरे गी सांझी ढंगें नै खपाने दे अपनाए गेदे तौर-तरीकें दी सराहना कीती। उ’नें आखेआ कि यात्रा दौरान पर्यावरण गी पूरी चाल्ली साफ सुथरा ते सुरक्षित रखने लेई यात्रा रस्ते च 8 ज्हार कोला मती थाहरें कूड़े-दानें ते कचरा प्रबंधन दियां बवस्था उपलब्ध कराइयां गेदियां हियां। उ’नें दस्सेआ जे यात्रा दौरान 414 मीट्रिक टन कोला मता कूड़ा-कचरा इक्टठा करियै ओहदा सांझी ढंगें नै नबेड़ा कीता गेआ तां जे यात्रा रस्ते च कुदरै बी नां ते गंदगी फैले ते नां गै पर्यावरण गी कुसै चाल्ली दा नुक्सन पुज्जै। उ’नें आखेया जे कूड़ा सुट्टने आहली थाहरां तैह करने कोला लेइयै- कूड़ा कठेरने- बक्ख बक्ख चाल्ली दे कूड़े गी बक्खरा करने ते यात्रिं च बी जागरूकता पैदा करने जनेह सारे कम्में ते प्रक्रियाएं गी कामयाबी कन्ने तोढ़ चाढ़ेआ गया ते एह हिमालयाई क्षेत्र च पर्यावरण संरक्षण गितै- सब्भनें लेई इक मसाल ऐ। मोदी होरें आखेआ.....

<><><><><><>

Dy. CM –Flyover Collapsed

उपमुख्यमंत्री सुरिंदर चौधरी होरें जम्मू च जाख-साम्बा ते सिधड़ा च उ'नें थाहरें दा दौरा लाया जित्थे दिल्ली-अमृतसर- कटड़ा एक्सप्रेस-वे लेई बना रदे फलाईओवर दे किश हिस्सें डिगगने करी होए दे जानी ते माली नुकसान दा जायजा लैता। इस मौके पर उनें सब्भनें अधिकारियें गी आखेआ जे ओह सुरक्षा सरबंधी मानकें दा पालन यकीनी बनान ते जवाबदेही तय करन। उनें नौशेरा दे मकरी गां च मुकामी लोकें कन्नै मलाटी करियें बक्ख-बक्ख विकास सरबंधी मुद्दे ते इलाके च चला रदे कम्मे बारे गल्लबात कीती। उनें लोकें गी भरोसा दोआया जे उन्दी चैंतां पर गौर कीता जाग ते समें-सिर उन्दा हल कइडने ते बेहतर विकास लेई लोइचदी गेंई पुटिट्यां जाडन

<><><><><><>

Jitender Armed Forces Delegation

केन्द्री मंत्री डाक्टर जितेन्द्र सिंह होरें कल थेहाबंद बलें दे मुख्यालयें दी एसोसिएशन दे इक शिश्टमंडल कन्नै गल्लबात कीती जिन्नै उन्दे कन्नै सेवा सरबन्धि बक्ख-बक्ख मामलें गी पुट्टेआ- जिंदे च कर्मचारियें दियां मंगां ते सेवा सरबन्धि चिंता शामिल हियां। शिश्टमंडलै उनें'गी इक ज्ञापन बी सौंपेया जेहदे च उन्दियें प्रमोशन ते सेवा सरबन्धी मुद्दे गी चेचे तौरा पर उजागर कीता गेदा हा। मिम्बरें कार्मिक मामलें- पेंशन ते सिखलाई सरबन्धी मैहकमे दी- मलाजमें दे प्रतिनिधिं कन्नै बरोबर सम्पर्क बनाई रखने ते उन्दे बकाया मामले दा नबेड़ा करने लेई सिफ्त कीती। शिश्टमंडलै पिच्छले किश बरे दौरान मलाजमें दी तरक्किएं गी लेइयै गतिरोध खत्म करने ते मलाजमें दा मनोबल बधाने दे जतनें दी बी सराहना कीती। डाक्टर जितेन्द्र सिंह होरें उनें'गी भरोसा दोआया जे उन्दे आसेआ पुट्टी गेदियें मंगें ते चिंताएं पर संजीगदी कन्नै विचार कीता जाहग।

<><><><><><>

Vendor Prog.

जम्मू च पैहली ते 2 सितम्बर गी बड़ी ब्राह्मणा इंडस्ट्रियल एसोसिएशन- साम्बा दे कांफ्रेंस हाल च दंऊ दिने दे CPSE स्तर दे विक्रेता विकास कार्यक्रम-2026 दी मेजबानी कीती जाग। MSME-DFO जम्मू आसेआ आयोजित इस कार्यक्रम गी भलेआं लौहके-लौहके ते दरम्यानै उद्यमें गी विक्रेताएं दे विकास- पंजीकरण ते कारोबारी सरबंघें दा पता लाने दा मौका देने लेई तेयार कीता जाग। प्रमुख प्रतिभागिं च Indian Oil, Power Grid, BPCL, NHAI, NHPC, BSNL, FCI जेम ते CRPF ते SSB जनेह रक्षा प्रतिष्ठान शामिल न। इस कार्यक्रम दा मकसद मुकामी MSME दे बड़े संगठनै बशकार सिद्धे गल्लबात गी बढ़ावा देना-कारोबार दे नमें मौके पैदा करना ते राश्ट्री आपूर्ति श्रृंखला कन्नै मुकामी उद्योगें दे एकीकरण गी बढ़ावा देना ऐ।

<><><><><><>

Tawi Wonderland

जम्मू च तवी वंडरलैंड पार्क इक जीवंत सांस्कृतिक केन्द्र बनी गेआ ऐ कीजे सैंकड़ा बदे परोआर- नौजवान ते सैलानी “Euphoria-An-Evening to celebrate Culture” नांs दे कार्यक्रम लेई जंदे रोज उत्थे किट्ठे होए। Jammu Smart City Ltd आस्सेआ आयोजित इस त्रंऊ घंटे दे कार्यक्रम च भावपूर्ण संगीत- ऊर्जा कन्नै भरोसे दे नाच ते रंग-बिरंगी रिवायती प्रदर्शनै दा मिश्रण दिक्खने गी लब्बेया। मुख्य आकर्षण गणेश वंदना- डोगरी ते पंजाबी गीत- रिवायती डोगरी ते कश्मीरी नाच ते किश होर पंजाबी प्रस्तुतियां शामिल हियां। इस कार्यक्रम च मुकामी कलाकारें गी अपना हुनर दस्सने लेई इक बधिया मंच हासल होआ- जेहदे कन्नै सामुदायिक शमूलियत गी बढ़ावा देने दे कन्नो-कन्नी जम्मू –कश्मीर दी सगगोसार सांस्कृतिक बिरसे गी बी बढ़ावा थहोआ। जम्मू- साम्बा- कठुआ रेंज दे DIG पुलस श्रीधर पाटिल ते जम्मू Smart City Ltd दे CEO ते JMC कमिशनर डाक्टर देवांश यादव होर बी उत्थे मौजूद हे। इस मौके पर बोलदे होई DIG श्रीधर पाटिल होरें आखेआ.....

<><><><><><>

IFFJK Deadlines Extended

उब्भरदे फिल्म निर्माताएं गी इक खुशखबरी दिंदे होई IFFJK दे आयोजकें “इमर्जिंग फिल्म मेकर्स प्रतियोगिता-2026” दी समें-सीमा अगड़ी बधाई दिती गेई ऐ- जेहदे कन्नै हर कुसै गी अपना हुनर दस्सनै दा इक होर मौका थहोई गेआ ऐ। एहदे इलावा फिल्म दी बद्दोबद्द लंबाई बधाइयै 20 मिन्ट करी दिती गेई ऐ जेहदे कन्नै फिल्म निर्माता अपनी कहानियें कन्नै होर मते रचनात्मक होई सकगंन। IFFJK-2026 7 थमां 10 सितम्बर तगर श्रीनगर जम्मू ते गुलमर्ग च आयोजित कीता जाग। उब्भरदे फिल्म निर्माताएं गी अगर कोई मूल कहानी ते नमीं रचनात्मक अवाज थहोंदी ऐ ते उन्दे लेई ओह समां आई गेआ ऐ जित्थे ओह नमीं समें-सीमा तैहत अपनी फिल्म गी पंजीकृत कराइयै जमा करोआई सकदे न।

<><><><><><>